

春秋條貫篇

西河合集

蕭山毛奇齡

字初晴稿

又秋賦稿
文輝克有校
遠宗姬黃

春秋條貫篇

八

成公

元年 春王正月公即位

二月辛酉葬我君宣公 無冰 三月作丘甲

魯衛晉
敗齊

夏臧孫許及晉侯盟于赤棘

六條
貫一

齊虐魯久矣前宣十七年晉盟斷道時使卻克徵
會于齊齊以卻克之跛也惟婦人觀之而笑且不

赴會。晉既已伐之矣。至是齊又謀伐魯。魯告難于晉。因乞盟焉。

齊敗

三年春。齊侯伐我北鄙。

時齊頃公親至魯。圍魯龍邑。龍人獲齊頃嬖人。膊之而投之城下。齊遂取龍。而師及北鄙。

齊敗

夏四月丙戌。衛孫良夫帥師。及齊師戰于新築衛

師敗績。

衛侯以齊師在魯。使大夫侵齊。而不能敵也。

齊敗

六月癸酉。季孫行父、臧孫許、叔孫僑如、公孫嬰齊

帥師會晉郤克、衛孫良夫、曹公子首及齊師戰于鞌。

齊師敗績

于是魯臧孫許衛孫良夫同乞師于晉晉卻克請以八百乘同魯衛出師與齊戰于鞌齊師大敗幾獲齊頃公齊乃以重賂求成于晉晉請以齊侯之母蕭同叔子爲質蓋惡前婦人之笑也時魯衛在軍者皆勸晉受成

齊敗

秋七月齊侯使國佐如師已酉及國佐盟于袁婁晉從之遂與齊盟

齊敗

取汶陽田

且使齊歸我所侵之田至是取之

元年秋王師收績于茅戎

定王以伐戎致敗

冬十月

二月八月宋公鮑卒庚寅衛侯速卒

楚伐鄭冬楚師鄭師侵衛

三條一貫

楚莊王時魯宣曾求好于楚至是魯衛以齊難歸

晉楚共新立忌之因挾鄭來責伐衛并伐魯焉

魯衛十有一月公會楚公子嬰齊于蜀

魯衛丙申公及楚人秦人宋人陳人衛人鄭人齊人曹

人邾人薛人鄆人盟于蜀

魯衛不得已請盟時齊魯衛宋鄭陳與秦曹許蔡

等共十五國皆在會而楚意已無他矣

晉楚爭鄭
三年春王正月公會晉侯宋公衛侯曹伯伐鄭
五十一條貫

獨是宋鄭陳爲晉楚所爭在宣之末年三國皆大
創而嗣此宋每屬晉陳每歸楚或偶一爭及而究
非所急一若專意于服鄭者乃鄭復從楚以伐魯
衛則自貽戚矣晉于是伐鄭而魯衛佐之楚共雖
爭鄭然無如魯衛何也

爭鄭然無如魯衛何也
二月公至自伐鄭

五年十有二月己丑公會晉侯齊侯宋公衛侯鄭

伯曹伯邾子杞伯同盟于蟲牢

于是鄭又服晉

鄭爭六年春王正月公至自會

鄭爭楚公子嬰齊帥師伐鄭

而楚又爭之

鄭爭七年秋楚公子嬰齊帥師伐鄭公會晉侯齊侯宋

公衛侯曹伯莒子邾子杞伯救鄭八月戊辰同盟于

馬陵

楚爭不已而晉樓諸侯以救鄭且與之盟

鄭爭公至自會

鄭爭九年公會晉侯齊侯宋公衛侯鄭伯曹伯莒子杞伯同盟于蒲

又盟

鄭爭公至自會

鄭爭晉人執鄭伯晉欒書帥師伐鄭

楚乃反以賂誘鄭鄭畏之不得已私與楚使會而未往也至是鄭伯朝晉而晉執之復使欒書伐鄭鄭不得已使大夫求成于晉而晉又殺之

鄭爭鄭人圍許

楚子使令尹子重侵陳以救鄭鄭乃借圍許以示

整暇且立成公之子曰鄭有君矣

鄭爭

十年衛侯之弟黑背帥師侵鄭

晉乃先使衛侵鄭

鄭爭

五月公會晉侯齊侯宋公衛侯曹伯伐鄭

又以晉侯疾使太子假爲晉君樓諸侯伐鄭鄭不得已復賂晉求成而鄭君得歸

鄭爭

十五年楚子伐鄭

于是晉景卒厲立又五年矣楚共亦無意爭鄭而公子側欲北師子貞沮之不得遂伐鄭鄭與楚平十六年晉侯使欒黶來乞師甲午晦晉侯及楚子

鄭爭

鄭伯戰于鄢陵楚子鄭師敗績

晉以鄭平楚之故復伐鄭而楚子救之時兩師相當而晉師以射楚共王中目故云楚敗經但書楚子敗績不書楚師以是也

楚殺其大夫公子側以其北師伐鄭也

公會尹子晉侯齊國佐邾人伐鄭

然晉則可已矣乃復搜王官并齊魯伐鄭而諸國皆病幾不能軍

鄭爭十七年春衛北宮括帥師侵鄭

鄭乃侵晉邑自虛及滑而衛救之晉遂命衛侵鄭

夏公會尹子單子晉侯齊侯宋公衛侯曹伯邾人
伐鄭

當是時鄭成感楚共傷目之故以太子質楚而楚
亦令諸公子戍鄭晉雖樓王官召諸侯伐之

六月乙酉同盟于柯陵

又盟以固之而楚救卽至

秋公至自會

諸師皆退

晉侯使荀瑩來乞師

夫如是晉亦可以已矣乃復召魯師

鄭冬公會單子晉侯宋公衛侯曹伯齊人邾人伐鄭

仍挾王宮并諸國伐之鄭不服也

鄭平襄元年夏晉韓厥帥師伐鄭仲孫蔑齊崔杼曹人

邾人杞人次于郕

會晉厲公被弑晉悼方立而韓厥爲政思以啟霸急

挾諸國以伐鄭入鄭郕敗鄭徒兵于洧上

鄭平秋楚公子壬夫帥師侵宋

楚救鄭不及轉而侵宋鄭亦取宋縣以報之

鄭平二年六月庚辰鄭伯踰卒晉師宋師衛甯殖侵鄭

而不謂鄭成之已卒也乃晉厲之弑楚帥師在宋

不伐喪。今晉伐鄭，喪則悼無道矣。當鄭成卒時，子駟請事晉，鄭成曰：「楚君以鄭故，親集矢于其目，吾背之不忍也。」至是，晉師至，請成子駟曰：「官命未改。」秋七月，仲孫蔑會荀瑩、宋華元、衛孫林、父曹人、邾人于戚。

乃晉悼必欲鄭服，復合諸侯以謀鄭。

冬，仲孫蔑會晉荀瑩、齊崔杼、宋華元、衛孫林、父曹人、邾人、滕人、薛人、小邾人于戚，遂城虎牢。

且執十國師以威諸侯，遂用孟獻子之計，城鄭虎牢之屬晉者，而據以偪之。

三年六月公會單子晉侯宋公衛侯鄭伯莒子邾子齊世子光已未同盟于鷄澤

鄭不得已乃求成而爲之盟焉方是時楚共閔鄭成之死舍鄭爭陳見後而鄭患少息

鄭八年鄭人侵蔡獲蔡公子燮

乃不意相距五年鄭人忽侵蔡而致楚怒也

鄭冬楚公子貞帥師伐鄭

及楚伐而晉救不至復與楚平

鄭九年冬公會晉侯宋公衛侯曹伯莒子邾子滕子

薛伯杞伯小邾子齊世子光伐鄭十有二月己亥同

盟于戲

卷八

七

晉乃大伐鄭以示必下鄭不得已又與晉平時鄭
六卿諸公子皆在會晉士莊子爲載書曰旣盟之
後鄭國而不惟晉命是聽而有異志者有如此盟
鄭公子駢趨進曰天禍鄭國使介居二大國之間
大國不加德音而亂以要之使其鬼神不獲歆其
禋祀其民人不獲享其土利夫婦愁苦墊隘無所
告訴自今日旣盟之後鄭國而不惟有禮與強可
以庇民者是從而敢有異志者有如此盟苟偃使
改載書鄭不從乃復以諸侯圍鄭不克而還

鄭爭 楚子伐鄭

楚乃伐鄭而鄭曰吾盟固云惟強是從今楚伐而
晉不我救則楚強矣乃又與楚平

鄭爭 公會晉侯宋公衛侯曹伯莒子邾子齊世子光滕

子薛伯杞伯小邾子伐鄭

晉又挾諸國伐鄭

鄭爭 戊鄭虎牢楚公子貞帥師救鄭

然且諸侯之師皆受晉命以戊虎牢乘鄭有盜禍
而信之無道極矣時鄭不得已將與晉盟而楚救
適至諸侯無戰志鄭夜涉潁水與楚師盟而晉不

敢近舍之而去卷八晉策書鋪張其事謂晉悼典霸三
駕而楚人不敢與爭此一駕也何如也

鄭爭公至自伐鄭

鄭爭十一年公會晉侯宋公衛侯曹伯齊世子光莒子

邾子滕子薛伯杞伯小邾子伐鄭

乃晉復不已仍名諸國以伐鄭鄭何罪諸國何罪

鄭爭秋七月己未同盟于亳城北

鄭不得已又乞盟焉

鄭爭公至自伐鄭

鄭爭楚子鄭伯伐宋

而楚救適至鄭遂會楚以伐宋二駕何如耶

爭鄭

公會晉侯宋公衛侯曹伯齊世子光莒子邾子勝

子

薛伯杞伯小邾子伐鄭會于蕭魚

前晉以夏月召師七月盟亳城諸侯之師皆七月
始散而卽于是月重召諸侯之師而使之復來而
諸侯之師不旋踵而同時畢至又並無一敢稍違
者是雖桀紂之虐湯武之仁總無若是之神且速
也然而楚師已去兩大強弱曾未分而諸國與弱
小俱糜爛矣時鄭以重賂乞成而晉師始退

爭鄭

公至自會

鄭爭 楚人執鄭行人良霄

鄭乃告楚而楚知鄭欲從晉遂執其使幸嗣此楚共王卒且歷有吳患遂無意爭鄭

鄭爭 冬秦人伐晉

見秦晉構兵條

然又約秦人伐晉以報蕭魚之役

鄭爭 十二年冬楚公子貞帥師侵宋

又侵宋以報蕭魚之取鄭而後已然則三駕蕭魚楚未嘗不敢與晉爭也

鄭爭 十八年楚公子午帥師伐鄭

越六年鄭公子嘉欲去諸大夫將叛晉而誘楚師

以發難諸大夫覺而備之楚覘其無應遂去

鄭殺其大夫公子嘉

二十四年冬楚子蔡侯陳侯許男伐鄭

是時晉伐齊楚以救齊故及之非有意爭鄭也

二十六年冬楚子蔡侯陳侯伐鄭

于是諸國皆厭亂值宋向戌善于晉趙武楚屈建
欲平晉楚以弭諸侯之兵先與晉楚及諸國各有
成言因假楚伐鄭以爲合好所自始使諸侯微會
得以有辭

二十七年夏叔孫豹會晉趙武楚屈建蔡公孫歸

生衛石惡陳孔奐鄭良霄許人曹人于宋

鄭平

秋七月辛巳豹及諸侯之大夫盟于宋

然後大爲盟會以息兵使諸國同歸于好自此以後有盟會而無兵車而于是搜伐之禍稍衰止焉

三年辛亥葬衛穆公

甲午新宮災三日哭 乙亥葬宋文公

夏公如晉公至自晉

許鄭

代鄭公子棄疾帥師伐許

六條一貫

一隱桓之間鄭滅許而復還之以許本鄭屬也自僖六年屬于楚則許非鄭有矣今尚以舊屬之故思

與楚爭而伐之

許鄭伐許

又伐之

四年鄭伯伐許

時鄭喪方季鄭悼初立而又急伐之則鄭無禮矣

九年鄭人圍許

見晉楚爭鄭條

十四年鄭公子喜帥師伐許

時鄭為許敗至鄭伯再伐入其郛而後平

十五年許遷于葉

許乃畏鄭偪請遷于葉嗣此終事楚而得免鄭難

雖三遷四遷至定六年已爲鄭所滅而仍未亡也

許之善于自存如此

齊魯爭汶陽田

元年秋叔孫僑如帥師圍棘

兩條一貫

汶陽田本魯地爲齊所侵久矣至鞏之戰魯從晉伐齊齊以此賂我則魯地還魯宜也今汶陽棘邑不肯歸魯而魯帥師以疆之

汶陽

八年春晉侯使韓穿來言汶陽之田歸之于齊

晉忽助齊而使魯歸地則侮辱極矣忽予忽奪不顧禮義所謂霸王者安在宜夫子在定哀之間尚以及汶陽之田爲亟亟也

大雪

晉郤克衛孫良夫伐虜咎如

伐狄

冬十有二月晉侯使孫盪來聘衛侯使孫良夫來聘

丙午及荀盪盟丁未及孫良夫盟

尋元年赤棘盟也

四年春宋公使華元來聘

宋共新立

三月壬申鄭伯堅卒杞伯來朝

夏四月滅孫許卒

公如晉 葬鄭襄公 秋公至自晉 冬城鄆

姬叔五年春王正月杞叔姬來歸

大歸也三條一貫

策書闕

叔姬八年冬十月癸卯杞叔姬卒

叔姬九年春王正月杞伯來迎叔姬之喪以歸杞伯悔而迎之

仲孫蔑如宋聘報

夏叔孫僑如會晉荀首于穀荀首自娶婦而我往饋之

梁山崩秋大水

冬十有一月己酉天王崩定王

六年二月辛巳立武宮

魯取鄆附庸

晉命衛孫良夫帥師侵宋二條貫

晉命秋仲孫蔑叔孫僑如帥師侵宋

晉以蟲牢之會宋公遲至命魯衛討之其肆如此
夏六月邾子來朝

公孫嬰齊如晉

策書不詳其事

壬申鄭伯費卒 冬季孫行父如晉

七年春王正月鼯鼠食郊牛角改卜牛鼯鼠又食其
角乃免牛

吳晉吳伐邾

兩條一貫

八年晉侯使士燮來聘叔孫僑如會晉士燮齊人
邾人伐邾

吳伐邾。晉爲伯主，不能救。乃以其成。吳又挾諸國以伐之，則弱小無死地矣。伯主之爲害如此。

七年夏五月，曹伯來朝，不郊，猶三望。

晉吳楚構兵始末 吳入州來。二十貫

楚申公巫臣有怨于令尹子重，且竊娶夏姬以奔于晉。楚盡滅巫臣之族，巫臣乃爲晉大夫，請使吳而教吳以戰，使吳叛楚而伐巢。伐徐，因伐州來，其意本欲強晉而弱楚，而不謂吳與楚之均被害也。

晉吳楚 十五年冬十有一月，叔孫僑如會晉士燮、齊高無咎、宋華元、衛孫林父、鄭公子魴、邾人會吳于鍾離。

時晉悼爭伯。又用巫臣之謀，使士燮挾列國大夫通吳以謀楚。

楚晉吳

襄三年春，楚公子嬰齊帥師伐吳。

楚子重乃爲簡練之師以伐吳，而吳強非其敵也。

楚晉吳

六月，公會單子胥、侯宋、公衛、侯鄭、伯莒、子邾、子

齊、世子光已未，同盟于鷄澤。

見爭鄭條

晉爲鄭服，故復挾列國諸侯通吳以謀楚，而吳子

壽夢不至。

楚晉吳

五年，仲孫蔑、衛孫林父會吳于善道。

晉乃因吳之來謝，遣魯衛二國大夫先會吳使，而

重乞會期魯衛大夫奉晉命以往

楚晉吳公會晉侯宋公衛侯鄭伯曹伯莒子邾子滕子薛伯齊世子光吳人鄫人于戚

然後挾列國諸侯以會吳

楚晉吳十年春公會晉侯宋公衛侯曹伯莒子邾子滕子薛伯杞伯小邾子齊世子光會吳于柤

越五年又挾列國諸侯以會吳

楚晉吳夏五月甲午遂滅偃陽

遂藉吳勢并諸侯之師滅楚與國而後已

楚晉吳十四年春王正月季孫宿叔老會晉士匄齊人

宋人衛人鄭公孫蕞曹人莒人邾人滕人薛人杞人
小邾人會吳于向

乃吳壽夢卒。楚不伐吳。喪楚共王。卒。吳諸樊伐楚。
喪而爲楚所敗。已無道矣。晉復召十三國大夫與
吳會而謀伐楚。策書曰：「會于向，爲吳謀楚。」此實
錄也。乃又襲晉策書，謂范宣子數吳之伐喪而退
吳人。夫專與吳會而敢退吳乎？若謂書吳在後，則
春秋殊會自有書例。會相會，鍾離皆如是也。若謂
伐喪爲伯主所惡，則襄二年鄭成公卒，晉悼特挾
宋衛伐鄭喪，而以此飾口，吾誰欺乎？

楚 晉 吳 秋楚公子貞帥師伐吳

楚以吳伐喪報之而爲吳舟師所敗

楚 晉 吳 二十四年夏楚子伐吳

越十年楚亦以舟師伐吳又無功

楚 晉 吳 二十五年十有二月吳子過伐楚門于巢卒

吳子諸樊伐楚報舟師之役親攻巢門爲門者所

射而卒

楚 晉 吳 昭四年秋七月楚子蔡侯陳侯許男頓子胡子

沈子淮夷伐吳

時吳以餘昧繼立而楚靈王爭霸效晉搜伐挾與

國之師伐吳

齊吳執齊慶封殺之

前此齊大夫慶封黨崔杼弑君奔吳吳以朱方居之至是克朱方殺齊慶封效伯者行事

楚晉遂滅賴

滅吳與國而釋之遷其國而還

楚晉五年冬楚子蔡侯陳侯許男頓子沈子徐人越人伐吳

吳人乃報伐入楚棘櫟麻而經不書也至是楚又報棘櫟麻之役挾諸國而越人與焉

楚晉吳

六年楚薳罷帥師伐吳

乃楚不知何故又伐徐而策書總未詳也至是楚以吳救徐而遂伐之

楚晉吳

十三年吳滅州來

越七年而楚靈見弑吳遂乘亂而滅楚邑

楚晉吳

十七年楚人及吳戰于長岸

楚平以定亂新立又踰五年而始報州來之役是役吳大敗既而楚亦敗

楚晉吳

二十二年秋戊辰吳敗胡頓沈蔡陳許之師於

鷄父胡子髡沈子逞滅獲陳夏齧

越六年吳又伐州來而楚以與國之師救之會楚
令尹卒遂越帥師政令不一未及陳而吳先犯三
國之師兩君一大夫皆死而楚師奔矣吳楚既不
敵而楚平繼伯嚭效援伐乃徒禍人國如此

楚音二十四年冬吳滅巢

吳又滅楚邑

楚音定二年秋楚人伐吳

楚救巢而爲吳所誘又敗

楚音四年三月公會劉子晉侯朱公蔡侯衛侯陳子

鄭伯許男曹伯莒子邾子頓子胡子滕子薛伯杞伯

小邾子齊國夏于台陵侵楚

晉乃乘吳強楚弱之際合十八國以侵楚是時胡
頭沈陳蔡許六國楚靈挾之以伐吳者今俱以楚
平州來之敗一齊歸晉然且蔡侯以楚令尹囊瓦
索賂拘楚三年因質子以求晉伐楚而晉苟實復
索蔡賂不終伐楚雖晉實畏楚然諸國之禍則不
可道矣晉見後主補胡沈

楚五月公及諸侯盟于皐鼬

徒爲會以終其事

楚冬十有一月庚午蔡侯以吳子及楚人戰于柏

舉楚師收績楚囊瓦山奔鄭

蔡侯知晉不足恃乃更以子質吳請吳伐楚會吳
閭閻爭霸而楚大夫伍員以讎楚事吳藉之爲報
怨之師大敗楚師

楚晉庚辰吳入郢

遂入郢而楚大創矣

楚晉哀十三年公會晉侯及吳子于黃池

然而吳夫差繼霸特與晉會而於越入吳且從此
亡焉孟子著五霸之罪最重搜伐而夫子春秋尤
深惡而痛絕之自文宣以後七公一百四十餘年

大半部春秋專記晉襄靈成景厲悼平昭歷世役
召魯衛曹滕邾莒一十八國以逞其爭齊爭楚爭
魯衛爭宋鄭陳蔡諸事此其罪宜在何等而胡氏
猥陋動曰尊霸主嗟乎霸主之爲禍如此尊之何
爲蓋亦就經文一諦審之

冬大雩

晉衛孫林父出奔晉兩條一貫

孫林父爲衛君所惡出奔

納十四年夏衛孫林父自晉歸于衛

晉侯強納之

八年晉欒書帥師侵蔡以楚故

公孫嬰齊如莒自逆

宋共姬宋公使華元來聘九條

始末夏朱公使公孫壽來納幣

共姬衛人來媵

共姬九年二月伯姬歸于宋

共姬夏季孫行父如宋致女三月

共姬晉人來媵

共姬十年齊人來媵以待年

共姬襄三十年五月甲申宋災宋伯姬卒死于

春秋條貫

共姬秋七月叔弓如宋葬宋共姬

八年晉殺其大夫趙同趙括

趙朔之妻莊姬與朔之叔父趙嬰通嬰兒趙同趙括逐嬰于齊而莊姬惡之因譖于晉侯殺同括焉

命秋七月天子使召伯來賜公命

賜命圭也

九年秋七月丙子齊侯無野卒

冬十有一月葬齊頃公

楚公子嬰齊帥師伐莒庚申莒潰楚人入鄆

策書不詳其事但云以無備故潰耳

城中城邑名

十年 夏四月五十郊不從乃不郊

丙午晉侯孺卒

景公

秋七月公如晉

也 現事

冬十月

十有一年 春王正月公至自晉

以送葬故遲至

晉侯使卻犇來聘已丑及卻犇盟

夏季孫行父如晉

報聘

秋叔孫僑如如齊

修聘

冬十月

十有二年

春周公出奔蔡

以王族相偏出奔

夏公會晉侯衛侯于瑣澤

春秋條貫篇

策書謂宋華元成晉楚之好而為是盟然經文無有且後此不數年而晉楚爭宋如故况專會衛侯亦不合此必策書有誤者闕之可也

秋晉人敗狄于交剛 冬十月

十有三年

晉侯使卻缺來乞師 六條

秦三月公如京師 赴晉伐也

秦夏五月公自京師遂會晉侯齊侯宋公衛侯鄭伯

曹伯邾人滕人伐秦 見秦晉構兵條

秦曹伯廬卒于師

諸侯有死者勞可知矣

代秦秋七月公至自伐秦

代秦冬葬曹宣公

十有四年春王正月莒子朱卒

武公秋叔孫僑如如齊逆女二條貫

九月僑如以夫人婦姜氏至自齊

冬十月庚寅衛侯遫卒

秦伯卒

桓公

十有五年春王二月葬衛定公

三月乙巳仲嬰齊卒

仲遂字襄仲故已氏仲子嬰齊亦氏仲公羊謂嬰齊爲兄歸父後故以父襄仲爲王父而氏仲非也古分氏以字不必王父凡已字父字皆可氏况嬰齊不爲歸父後定元年季孫欲立歸父之子子家羈爲歸父後而羈不從是歸父見逐後歷成襄昭定四世並未立後公羊謬說也至若歸父之子氏子家則以子家者歸父字也然則羈亦氏父字矣

晉伯 癸丑公會晉侯衛侯鄭伯曹伯宋世子成齊國佐邠人同盟于戚晉侯執曹伯歸于京師

三條
貫

前晉挾曹以伐秦曹宣公卒于師其庶子負芻殺

太子自立則晉宜爲之討賊乃執之于會雖歸京師然失伯討矣

晉公至自會

晉十六年曹伯歸自京師

曹請于晉遂赦之然則歸京師謂何

十五年夏六月宋公固卒

秋八月庚辰葬宋共公

晉楚宋華元出奔晉宋華元自晉歸于宋宋殺其大

夫山宋魚石出奔宋十八條

宋平新立桓族蕩氏謀弱公室殺公子肥而戴族

華元殺蕩澤將討桓氏故桓氏魚石輩皆奔楚

宋平十六年鄭公子喜帥師侵宋

晉每挾宋伐鄭鄭惡宋久矣是時鄭方以子囊之
伐乞成于楚而受楚之意遂乘宋亂以伐之策書
既不詳其事而杜氏以爲滕爲宋與國因滕有喪
而伐宋則謬甚矣

宋平十八年夏楚子鄭伯伐宋宋魚石復入于彭城

楚鄭伐宋納魚石于彭城而還

宋平冬楚人鄭人侵宋

宋圍彭城而楚鄭救之

次晉侯使士魴來乞師

晉欲爭宋必不自往而必與諸侯之師

宋爭十有二月仲孫蔑會晉侯宋公衛侯邾子齊崔杼同盟于虛打

且先爲之盟

宋爭襄元年仲孫蔑會晉欒黶宋華元衛甯殖曹人莒人邾人滕人薛人圍宋彭城

始圍彭城取魚石以去蓋晉爲華元楚爲魚石也

宋爭秋楚公子壬夫帥師侵宋

見爭鄭條

時晉方伐鄭楚乃伐宋以救鄭

宋二年鄭師伐宋

鄭亦伐宋

宋晉師宋師衛甯殖侵鄭

見爭鄭條

晉乃乘鄭成之喪遂挾宋以報伐焉

宋十年春公會晉侯宋公衛侯曹伯莒子邾子滕子

薛伯杞伯小邾子齊世子光會吳于柎

見晉吳楚條

會晉楚爭鄭晉乃合十二諸侯會吳以謀楚

宋夏五月甲午遂滅偃陽

遂借吳勢并諸侯之師滅楚與國而以其地賜宋人以宋爲楚鄭怨也

宋爭公至自會

宋爭楚公子貞鄭公孫輒帥師伐宋

楚鄭乃伐宋以報之

宋爭十一年鄭公孫舍之帥師侵宋

見爭鄭條下三節同

而無如晉楚爭鄭之無已也鄭乃伐宋以致晉師

生公會晉侯宋公衛侯曹伯齊世子光莒子邾子滕

子薛伯杞伯小邾子伐鄭

及晉師至而鄭與晉成焉

宋爭楚子鄭伯伐宋

及楚救至而又與楚成以爲可兩謝之也

十二年楚公子貞帥師伐宋

楚乃專伐宋而止

十有六年春王正月雨木冰

夏四月辛未滕子卒

滕文公

六月丙寅朔日有食之

叔孫僑如秋公會晉侯齊侯衛侯宋華元邾人于

沙隨不見公

七條貫

叔孫僑如者叔孫得臣之子也欲去季文子孟獻子而取其室時僑如為成公嫡母穆姜所寵乘公赴晉名時出姜命以逐二子公不從姜指公庶弟

公子偃公子鉏曰是皆君也公懼使孟獻子守公宮然後行及出至壞墮不及會僑如告卻犇曰魯侯待壞墮伺勝者而歸之也謂觀望晉楚間也晉侯乃不許公見

季孟
公至自晉

而歸

季孟
九月晉人執季孫行父舍之于莒丘

僑如乃愬晉歸罪季氏請殺之晉乃就公所執季氏于路拘之莒丘公待于郕城使子叔聲伯見卻犇請赦會犇與聲伯有舊且范文子亦爲言乃使

魯行成而赦季孫焉

冬十月乙亥叔孫僑如出奔齊
公未歸而國人逐之

十有二月乙丑季孫行父及晉卻鞮盟于扈

公至自晉

公始自鄆城同季孫歸兩書公至著晉惡也然亦

徵經文之密其不憚委曲如此

乙酉刺公子偃
時立僑如弟叔孫為得臣後

十有七年齊高無咎出奔莒
貫一條

據傳齊慶克通于齊靈公夫人蒙婦人衣而出入

焉鮑牽以告國佐佐名慶克而赦之夫人怒會靈

公從晉伐鄭。還，鮑牽與高無咎居守先門清宮。而後迎公夫人。愬之曰：「此拒公也將立公子角矣。」公乃用鮑牽逐高無咎。

高國

十八年，齊殺其大夫國佐。

而無咎之子高弱據虛以叛。慶克方帥師圍之。會國佐從晉伐鄭，還乃如虛，師殺慶克而已。畏得罪，亦據穀以叛。齊侯陽與國佐盟，使復其位而密殺之于內宮之朝，并殺子國勝而立後焉。

九月辛丑，用郊。

壬申，公孫嬰齊卒于狸脰。

十有二月丁巳朔日有食之 邾子貜且卒

晉君 晉殺其大夫卻錡卻雙卻至

三條貫

晉厲多外嬖欲盡去羣大夫而立嬖人有胥童者與嬖人夷陽五羖使人告鄆陵之戰卻至實召楚君欲乘敗而立悼公公以告欒書書忌卻氏徵之公乃殺三卻而尸于朝不意胥童欲并殺欒書中行偃公雖命勿殺而書偃不安遂殺胥童并執公弑之于是迎襄公之孫立之是爲悼公

晉弑

十八年春王正月晉殺其大夫胥童

庚申晉弑其君州蒲

楚滅舒庸十七年楚人滅舒庸

十有八年

公如晉朝新右也公至自晉

晉侯使士句來聘

秋杞伯來朝八月邾子來朝

莒莒

己丑公薨于路寢丁未葬我君成公

西河合集

蕭山毛奇齡

字大又晚

遠文

春秋條貫篇

九

襄公

元年 春王正月公卽位

九月辛酉天王崩 邾子來朝

冬衛侯使公孫剽來聘 晉侯使荀瑩來聘

俱聘新君

二年

春王正月葬簡王

夏五月庚寅夫人姜氏薨

成公夫人

六月庚辰鄭伯賁卒

成公

己丑葬我小君齊姜

叔孫豹如宋

楚殺其大夫公子申

以受賂故

三年

公如晉

新君朝晉也

夏四月壬戌公及晉侯盟于長樗

公至自晉

六月公會單子晉侯宋公衛侯鄭伯莒子邾子

齊世子光已未同盟于鷄澤

見爭鄭條十六條一貫

陳侯使袁僑如會

陳自楚莊入陳後。屬楚久矣。今晉以鄭服爲會。而陳成公美晉悼之弱。忽使大夫來乞成于晉。

晉

戊寅。叔孫豹及諸侯之大夫及陳袁僑盟。

而晉卽使諸國大夫特爲殊盟以誇之。

陳

四年春王正月己酉。陳侯午卒。秋葬陳成公。

未幾而陳成薨。當是時。楚已使公子何忌伐陳。而聞喪而止。惡伐喪也。

陳

人聞頓。

而陳反。聞楚與國則無禮矣。

陳

五年。楚殺其大夫公子壬夫。

楚乃詰陳叛之故以爲實令其侵欲所致因殺之

重陳公會晉侯宋公衛侯鄭伯曹伯莒子邾子滕子薛

伯齊世子光吳人郇人于戚

晉乃借會吳之便使列國諸侯除吳人外皆受晉命而爲之戍陳

陳冬戍陳

諸侯不敢辭

陳楚公子貞帥師伐陳

而無如楚師之至也

陳公會晉侯宋公衛侯鄭伯曹伯齊世子光救陳

晉復不自救仍會列國諸侯使救之

陳十有二月公至自救陳

則亦勞矣

七年楚公子貞帥師圍陳

乃越二年而楚又陷陳

十有二月公會晉侯宋公陳侯衛侯曹伯莒子邾

子于鄆

晉又不自救仍會列國諸侯使救之且無意救也

鄭伯死顧如會未見諸侯丙戌卒于鄆

策書有誤

諸侯有赴召死者

爭
陳侯逃歸

卷九

陳侯始知晉悼不足恃。然身已在晉。蓋從楚。聞師之申。起險。言急已數月矣。今計無復之陰。使陳公。子黃如楚。師乞楚師執之。而告急于會。曰殆矣。君不歸。羣臣不能待矣。乃逃歸。其誤投網羅而掙身求脫如此。

陳
八年夏。薨鄭僂公

幸鄭簡初立。晉楚方爭。鄭不暇而陳遂稍得安焉。蘇陳本楚屬。晉可不爭此。時爭陳。皆陳自取禍。特晉之徒役人國。且嫁晉人國。尚猶存秋有不憤然。

嘆興者乎

晉代冬晉荀勗師師伐許策書未詳

四年

夏叔孫豹如晉策書

秋七月庚子夫人嬖氏薨襄公生母也

八月辛亥葬我小君定姒

冬公如晉二條貫

策書云如晉聽政蓋聽其屬國貢賦多少之政也

五年公至自晉

又朝晉正而後歸

魯屬鄆叔孫豹鄆世子巫如晉六條

而公聽政于晉時以魯貢賦之數煩重不給乞以

鄆為魯屬國助魯貢賦以無失晉官命晉侯許之

故晉遣大夫師鄆世子偕往謝焉

公會晉侯宋公陳侯衛侯鄭伯曹子莒子邾子滕

子薛伯齊世子光吳人鄆人于戚陳侯子修

而無如屬鄆之不利也四年之冬邾莒伐鄆臧孫

紇以救鄆致敗因不敢復屬藉晉會吳時使鄆大

夫聽命于晉而自赴會焉經特書鄆人以是也

公至自會

六年莒人滅郕

越一年而莒乃滅郕

季孫宿如晉

前魯已遷郕于晉此時晉宜討莒復郕以修伯業而晉不能也反責魯曰何故亡郕魯不得已使季孫如晉以聽命且受罪焉

昭四年九月取郕

其後襄三十一年莒人弑君諸公子爭國魯乘亂取郕以爲魯邑哀七年公會吳于郕卽其地也然則魯不滅郕漢取秦下項雖不能還郕較當日屬

郕之意多有未安究于莒惡有間耳

五年夏鄭伯使公子發來聘鄭僖新立秋大雩

辛未季孫行父卒

六年春王正月壬午杞伯姑容卒

庚寅年將來奔秋葬杞桓公

歲子來朝冬叔孫如邾

十有二月齊侯滅萊

七年春邾子來朝

夏四月三十郊不從乃免牲小邾子來朝

城費秋季孫宿如衛策書有異八月螽

冬十月衛侯使孫林父來聘壬戌及孫林父盟

有誤書

晉使列國聘之命八年春王正月公如晉

三條一貫

季孫宿會晉侯鄭伯齊人宋人衛人邾人于邢丘

晉定諸侯朝聘于晉之數使諸侯之大夫聽命時

鄭伯以侵蔡獻捷于晉故觀聽命焉此天下大亂

諸侯放恣之事而蘓轍謂晉悼修文襄之業定朝

聘之數蓋誤認晉之朝聘為周之朝聘也寃哉

公至自晉

時公亦赴晉但聽命者大夫耳然則宋衛可知矣

秋九月大雩晉侯使士句來聘

報朝也

九年 春宋災 夏季孫宿如晉晉聘以報朝而此又謝之

五月辛酉夫人姜氏薨成婦也

秋八月癸未葬我小君穆姜

八年莒人伐我東鄙大條一貫

前六年莒人滅郕魯未嘗討莒也。不知何故反伐。

我策書未詳

十年秋莒人伐我東鄙

又伐我策書未詳

十有二年春王三月莒人伐我東鄙圍台

又不知何故伐我圍我邑策書未詳

季孫宿帥師救齊遂入鄆

報伐之策書未詳

十四年莒人侵我東鄙

又侵我策書闕

二十年春王正月辛亥仲孫速會莒人盟于向

策書有誤

冬盜殺鄭公子騂公子發公孫轅

鄭穆之族與尉氏五族有隙故五族攻殺作亂而

子產爲公子發之子亦討盜盡殺之然亦創矣

十有一年春王正月作三軍

夏四月四十郊不從乃不郊

十二年夏晉侯使士魴來聘

秋九月吳子乘卒

公如晉朝以
謁聘

十三年公至自晉又朝晉
正而歸

魯取夏取郕

秋九月庚辰楚子審卒冬城防

十四年二月乙未朔日有食之

衛逐君已未衛侯出奔齊二條
一貫

衛獻不禮于孫林父甯殖而殖與林父逐之

冬季孫宿會晉士何朱華圉衛孫林父鄭公孫襄
諸人釋人于戚

乃立公子黶是為殤公而晉悼不討賊反為之主
盟以定新君使逐君之罪儼然在會伯主謂何

十有五年

春宋公使向戌來聘 二月己亥及向戌盟于劉

夏逆王后于齊

夏齊侯伐我北鄙圍成公救成至遇三十條

齊不知何故伐我而公親救之策書闕

齊侯伐我

八

齊侯會諸侯於平陸平陸在平陶之北叔孫豹帥師城成郭

以備之策書闕

十六年二月公會晉侯宋公衛侯鄭伯曹伯莒

子邾子薛伯杞伯小邾子于溴梁戊寅大夫盟

會晉悼初卒晉平以繼霸首會諸侯而齊靈以不

甘服晉至是思抗之不親至會而但遣大夫高厚

來赴晉怒因不許高厚與會侯諸侯會畢然後遣

大夫盟高厚而高厚逃歸

齊侯伐我北鄙

齊再從我策書闕

齊 秋齊侯伐我北鄙圍成

三伐我策書未詳

齊 冬叔孫豹如晉

魯于是告齊難于晉而晉以悼公之喪尚未禘祀
爲辭蓋無意救魯也叔孫豹乃見中行偃而私爲
乞之

齊 十七年秋齊侯伐我北鄙圍桃

齊四伐我策書闕

齊 齊高厚帥師伐我北鄙圍防

五伐我時臧氏守防與鄆人叔梁紇並禦之而去

齊 十八年齊師伐我北鄙

至是六伐我矣

齊 冬十月公會晉侯宋公衛侯鄭伯曹伯莒子邾

子滕子薛伯杞伯小邾子同圍齊

晉已踰禘祀之期本欲以溴梁之役聲罪討齊而

中行偃又復以卜夢不吉思有事東方以厭之遂

召諸侯師而我師與焉乃諸師頗衆而我師亦力

大敗齊師從平陰至齊環齊諸門而圍之經書同

圍著齊之爲衆所惡也

齊 曹伯負芻卒于師

雖分有以而列者

十有九年春三月諸侯盟于祝柯
即諸侯盟齊者此年猶在齊因又盟齊地

公至自伐齊

而後歸

季孫宿如晉

于是拜晉師

莒曹成公

會莒曹公

夏衛孫林父帥師伐齊

而其如晉之伐齊者爲晉伐不爲魯伐也因以罔齊時齊未服晉又令衛伐齊

秋七月辛卯齊侯環卒

齊侯伐齊

晉士匄帥師侵齊至穀聞齊侯卒乃還

晉復繼衛再伐乃聞卒而返

冬葬齊靈公

我則不葬不敢興復伐之意兼會葬以盡其禮

城西郭

又城郭以備之

齊叔孫約會晉士句于柯

而不意齊已服晉有成盟矣魯懼仍乞庇于晉

齊城武城

且復自爲備

二十一年夏六月庚申公會晉侯齊侯宋公衛侯

鄭伯曹伯莒子邾子滕子薛伯杞伯小邾子盟于澶

淵

幸晉以齊成之故大會諸侯于澶淵而我遂得與

齊會弭舊怨焉

秋公至自會

齊叔老如齊

因聘齊以固之

三年齊侯伐衛遂伐晉

越年而晉有欒盈之難是時齊莊之立已四年矣然齊靈平陰之役爲十二國諸侯所敗乃乘晉之難先伐衛以散十九年衛愛晉命之伐然後伐晉深入晉地取朝歌登孟門太行築壘墜于其地戍守其所取之邑封其尸而還

齊八月叔孫豹帥師救晉次于雍榆

而我師救之

齊仲孫羯帥師侵齊

晉又命我師伐之

齊公會晉侯宋公衛侯鄭伯曹伯莒子邾子滕子
薛伯杞伯小邾子于夷儀

然後合諸侯謀齊

齊公至自會

齊二十五年春齊棼帥師伐我北鄙

而齊即報伐我矣

齊公會晉侯宋公衛侯鄭伯曹伯莒子邾子滕子

薛伯小邾子于夷儀

乃又會夷儀謀齊而遲之不前蓋但思役諸侯以逞搜伐而必不使中行韓范之徒策書所稱將中軍將下軍者出一師也乃齊則剛值崔杼稱逆之際弑莊公以悅晉且重賂晉侯而封尸之役可不報矣

秋八月己巳諸侯同盟于重丘遂重會諸侯賀齊成以終事焉蓋晉惡雖稔而齊靈齊莊相繼無道雖兩世憤兵終致自戕國之貴能立不貴爭勝如此

齊
公至自會

十五年秋八月丁巳日有食之

伐邾邾人伐我南鄙

六條一貫

邾不知何故來伐策書未詳

伐邾十七年冬邾人伐我南鄙

又伐

伐邾十九年晉人執邾子

據傳以伐我也

伐邾取邾田自郕水

晉令邾還所侵魯田以郕爲界

伐邾仲孫速帥師伐邾

春秋條貫篇

然而邾驟伐我未有報以目從晉師無暇故也
今乘其未盟使孟莊子報之

十一年春王正月公如晉 夏公至自晉

而後升師并圍取邾田焉

十五年冬十一月癸亥晉侯周卒

十六年春王正月葬晉悼公

晉人執莒子邾子以歸會吳果時以其
武禁從晉執歸

五月甲子地震

伐晉鄭叔老會鄭伯晉荀偃衛甯殖宋人伐許

據策書許欲叛楚而請遷于晉晉爲魯諸侯將遷

許而許怒魯故晉合鄭伯及諸師伐之

大勢

十有七年 春王二月庚午邾子貜卒

宋人伐陳

策書未詳

春秋左傳 夏衛石買帥師伐曹二條

衛石買孫蒯田子曹與重丘人爭遂帥師伐重丘

十八年夏晉人執衛行人石買

晉以曹愬故執而責之

九月大雩

宋華臣出奔陳

十有八年春自狄來朝

十有九年八月丙辰仲孫蔑卒

齊殺其大夫高厚

齊靈公愛庶子牙將易太子使高厚傅之及太子

立因殺牙并及厚焉

蔡殺其大夫公子燹公子履出奔楚五條貫

蔡公子燹欲叛楚事晉而國人殺之其弟奔楚事

亦已矣

陳侯之弟黃出奔楚

乃蔡大夫慶寅慶虎忽譖于楚曰公子燮之謀公
子黃實同之楚人以爲討而子黃奔楚

二慶陳殺其大夫慶虎及慶寅

慶陳侯之弟黃爲楚將于陳

及陳侯如是楚詢于黃事知其寃使召二慶而二
慶以慶樂往楚殺之慶氏乃壞城以叛楚子使屈
建帥師從陳侯圍城陳人殺二慶楚乃納陳侯及
公子黃而還

二慶二十四年陳鍼宜咎出奔楚

二十年冬十月丙辰朔日有食之

季孫宿如宋

十有一年

邾庶其以漆聞丘來奔

大夫飯故挾邑以奔

秋螽蝻出奔楚

七條

樂盈為樂驥之子其母樂祁范句之女也樂祁淫

于芒州賓而懼盈見討懇于父范句謂盈將為亂

而謀與范氏為難句使盈城著而遂逐之樂盈奔

楚

公會晉侯齊侯宋公衛侯鄭伯曹伯莒子邾子于

商任

鋼樂氏也

禁鋼之使諸侯不得文

〔樂〕

二十二年春王正月公至自會

〔樂〕

冬公會晉侯齊侯宋公衛侯鄭伯曹伯莒子邾子

薛伯杞伯小邾子于沙隨

又銅之

徐仲山曰魯昭遂季氏不能名一公邑大

晉都臣邑幸遠矣

〔樂〕

公至自會

〔樂〕

二十三年晉欒盈復入于晉入于曲沃

欒乃竊入曲沃將內欒舒以入晉為亂范鞅劫魏

舒率公徒與欒氏敗盈仍奔曲沃

〔樂〕

晉人殺欒盈

晉乃聞曲沃殺盈而欒氏盡滅

二十有一年 九月庚戌朔日有食之

冬十月庚辰朔日有食之 曹伯來朝

二十有二年 夏四月 秋七月辛酉叔老卒

楚殺其大夫公子追舒

二十有三年 春王二月癸酉朔日有食之

三月乙巳杞伯匄卒 夏邾畀我來奔

庶其黨也

葬杞孝公 巳卯仲孫速卒

臧氏出奔冬十月乙亥臧孫紇出奔邾

臧孫紇與孟氏不相能又爲季孫立後舍公鉏而

莊子公鉏憾之會孟莊子卒公鉏使孟氏告季
孫云紇將爲亂不佞孟氏董紇聞之稍爲戒備及
孟氏除釐道借侯虜氏紇以隨正應而隨甲士而
視之季孫光起攻虜氏紇奔邪陽而還防請立後
乃立其兄臧爲而紇致防而奔齊經不書奔齊不
予其以防請也

齊人襲莒

二條

齊莊公伐晉還不知何事忽襲莒致敗

二十四年齊崔杼帥師伐莒

齊懼晉報伐使陳文子乞楚師而崔杼帥師送之

不知何事又伐莒策書總不可解

二十有四年

春叔孫豹如晉

策書不詳何事

秋七月甲子朔日有食之

大水

八月癸巳朔日有食之叔孫豹如京師

聘

大饑

二十有五年

夏五月乙亥齊崔杼弑其君光

齊莊通于崔杼之妻驟如其家會齊莊伐晉晉命

魯伐齊而崔杼方伐魯還畏晉師之至重得罪也

遂弑莊以悅晉且重賂焉乃立莊弟杵臼為景公

陳鄭

六月壬子鄭公孫舍之帥師入陳

二條賈

初陳從楚伐鄭時每通道以迎楚師鄭人患之至是子展子產帥車七百乘以伐陳夜穿陳城而入之陳侯歸妻子奔蔡既而喪服擁社紫男女以待于朝鄭師乃以轅平之而還

冬鄭公孫夏帥師伐陳

方六月伐陳相平以禮至此裁數月耳不知何故又伐陳而策書全未詳也左氏取晉策書以補之但載子產獻捷晉君臣責鄭與鄭子產專對之詞以爲鋪張則與本事何與矣故善讀春秋者必曰經詳而傳缺簡書連而策書斷非妄語也

衛侯入于夷儀十條

衛獻爲甯殖孫林父所逐寄于齊十一年矣至是晉侯愍其久暴露使衛分一邑居之

二十六年春王二月辛卯衛甯喜弑其君剽

先是甯殖將死謂子喜曰吾逐君之名載諸侯策書能復人以免之乎喜許諾至是獻使與喜言且使公子觸要之遂弑殤公攻孫氏而獻復入焉夫欲諱逐君而反弑君世逆之惟知有逆如此

衛孫林父入于戚以叛

孫林父挾戚邑獻晉而叛

衛侯復歸于衛

夏齊侯使荀吳來聘

此時爲齊伯常執孫林父。寧喜並誅之。以爲衛討。賊而乃受賊邑。反爲孫氏會諸侯之師。而召公焉。公會晉人鄭良霄。宋人曹人于澶淵。

公乃與諸侯之師共討衛。以疆戚田。取衛西鄙懿氏田六十。以與孫氏。時衛侯赴會。晉先執寧喜。及北宮遺使司馬監之。歸晉。及衛侯如晉。晉又執衛侯。而囚之于士弱氏。三綱絕矣。于是齊侯鄭伯皆聞變如晉。謂爲臣執君。不可。鄭子展且爲賦。將仲

子分曰。衆言亦可畏也。乃赦衛侯歸。

（人）晉人執衛甯喜。不書執甯侯。言其惡也。

（人）二十七年。衛殺其大夫甯喜。

（人）既而甯喜專公殺之。衛獻之能斷又如此。

（人）衛侯之弟鱄出奔晉。黨喜也。

（人）二十八年夏。衛石惡出奔晉。討甯也。

（人）二十五年。楚屈建帥師滅舒鳩。

二十有六年。

（人）宋殺世子痤。爲寺人伊戾所譖而死。

八月壬午。許男甯卒于楚。

據傳請楚伐鄭而死是時晉楚將盟宋以弭兵矣
葬許靈公

二十有七年 春齊侯使慶封來聘

通嗣君也

冬十有二月乙亥朔日有食之

二十有八年 春無冰 邾子來朝 秋八月雪

仲孫羯如晉

拜宋之盟也

齊慶封冬齊慶封來奔

齊崔杼弑莊公而立景公時慶封佐崔杼爲相稱
爲崔慶其時莊公舊臣有盧蒲癸者與王何出奔
而其族盧蒲癸則慶氏屬大夫也崔杼故妻生二

子曰成曰疆及又娶棠姜而生一子曰明杼將廢成而立明使成老崔邑而棠姜攜前棠公之子棠無咎來與弟東郭偃同相崔氏其爲成與疆所病久矣至是又爭曰崔宗邑當予明不當予成成怒以愬慶封封用盧蒲嬖之言使之去之成遂與疆殺棠無咎東郭偃于崔氏之朝而崔杼大恐不成駕而見慶封慶封曰何敢然吾使盧蒲嬖爲子討之嬖乃帥甲士攻崔氏垣弗克呼國人助之遂滅崔氏殺成與疆而盡俘其家棠姜縊然後復命于崔子曰討之矣請身御崔子而與之歸及至則無

可歸矣。杼于是亦自縊焉。嬖乃并思除慶氏。先反。盧蒲癸王何而使之事慶。封之子慶舍。舍愛之以女妻癸。使癸與何執寢戈而先後之。會慶封出田。癸將伺嘗祭。發難其妻盧蒲姜。舍女也。謂癸曰：「有事必告我。」至是將嘗以告姜。姜曰：「夫子愼使無止之者。」必不出矣。我將止之以出之。十一月乙亥，嘗于太公之廟。慶舍蒞事，姜告而止之。弗聽。曰：「誰敢然？」遂入廟。麻嬰爲尸，慶繩爲主，獻癸。何執寢戈以從。及期，公子尾子雅擊扉者三。癸自後刺舍。何擊戈而解其肩，并殺慶繩與麻嬰。慶封歸將入伐內。

宮不克遂來奔其後再奔吳而楚子族誅之則是
崔之與慶皆爲盧蒲嬖所滅如此春秋重討賊而
齊莊以淫死且其殉難者多係嬖人故雖賈舉州
綽酈師公孫敖等十人並死且有祝佗父申劓閭
丘嬰鮮虞等或使還而死或棄官而逃卽諸公子
中其不肯事崔慶而奔亡者比比也而皆目之爲
婦寺之忠甚至晏嬰哭君亦曰已死已亡非君親
暱其誰肯任皆以死亡者爲黨暱而輕之且當日
策書未明賞罰亦謬慶賊之討反以慶爲賜晏嬰
子尾而癸何全不及焉甚且放盧蒲嬖于北境不

知其質與否而爲春秋家言亦並無有起而議及之者予按盧蒲氏本齊公族姜姓與崔慶同宗而癸則公族大夫當齊莊伐晉時次驅者以鮮虞爲右而公之副車則盧蒲癸實右之是大夫之有名且有功者左氏襲策書而前後總未之貫也夫莊公不甘于臣晉雪先君之耻發憤興師以報平陰之役其所用之人忠果好勇且多爲之死則在列國諸君未爲多讓而惜其以潞敗也至若盧蒲氏報復崔慶明明立詞曰彼君之讎也終至反癸何以滅二氏使莊公之讎無人任暱者而公然盡力

致討使莊公之尸暴于北郭埋于他氏之里者一
且改殯于路寢而合于先公之兆誰爲爲之而忍
放之于北境無人理矣是以簡書之例但憑告詞
而既存一簡則必詳之策書以俟是非之有在如
此經祇告來奔爾而致奔之由則卽此一書而其
事其義皆可以見然則夫子之存此有故矣故予
謂齊莊非齊襄之比而二盧蒲氏與王何則並非
嬖人不當與侍人賈子車氏賈舉州綽諸嬖人比
因爲述其事辨其跡以爲世之忠良報國者勸其
于春秋之義不爲無補若謂齊莊淫亂不宜失出

則以莊之志思振前烈且能得死士而一不自檢
卽身名俱喪此正垂戒之至深至切者又何嘗于
此際有怨詞焉

楚公朝十有一月公如楚四條一貫

宋之盟向戌與屈建原有晉楚之從交相朝見之
言謂晉之屬國皆朝楚如魯衛宋鄭之類是也楚
之屬國皆朝晉如陳蔡許沈之類是也惟秦與齊
不朝焉今我先朝楚而諸國從之此實晉霸所定
之制而楚藉以行之者以爲宜尊盟主耶則楚亦
盟主也以爲不宜臣夷狄耶則又霸者之政令也

若此者何褒何譏請解春秋者一思之

楚朝乙未楚子昭卒

楚朝二十九年春王正月公在楚

會楚康之卒不得已送葬而還

楚朝夏五月公至自楚

二十八年十有二月甲寅天王崩

王靈

二十有九年庚午衛侯伋卒

吳弒閼弒吳子餘祭

以越符爲閼而弒之

晉城仲孫羯會晉荀盈齊高止宋華定衛世叔儀鄭

公孫段曹人莒人滕人薛人小邾人城杞

四條一貫

杞城杞城

晉平杞所出乃合諸侯以城杞衛大叔儀曰甚乎其城杞也鄭子太叔曰若之何哉晉不恤周宗之闕而夏肆是屏其棄諸姬也已杞者夏之餘肆也屏者城也晉侯使士鞅來聘杞以城也

杞子來盟

晉使諸侯共城杞已無道極矣又使其司馬女叔儀責魯以侵杞之地使之歸杞亦既歸之矣又以不盡歸責女叔侯善乎叔侯之言曰虞虢焦滑霍揚韓魏皆姬姓也而晉皆滅之晉是以大覲武獻以來兼國多矣誰得治之杞夏餘也而即東夷魯

周公之後也而睦于晉其于晉也職貢不乏常玩

好時至他公卿大夫相繼于朝若朝臣聘及名會

絕不更不絕書者自文宣以後春秋所書府無虛月

受魯國如是可矣何必瘠瘠以肥杞其痛切之言

城冬仲孫羯如晉又拜城

吳子使札來聘札季秋七月葬衛獻公

齊高止出奔北燕以好事而

三十年春王正月楚子使薳罷來聘過詞

蔡弒夏四月蔡世子般弒其君固蔡景以淫為

殺弟天王殺其弟佖夫二條

周景王初立王子瑕自爲亂駕言立王弟佞夫佞夫不知也而王殺之

〔王〕王子瑕奔晉

鄭良霄出奔許自許入于鄭鄭人殺良霄

以汰虐故見殺

冬十月葬蔡景公

晉以宋災名諸國晉人齊人宋人衛人鄭人曹人莒人邾人

滕人薛人杞人小邾人會于澶淵宋災故

徐仲山曰以宋災名

會十二國人幾于周幽之烽火矣

三十有一年春王正月

夏六月辛巳公薨于楚宮

秋九月癸巳子野卒

乃立昭公

巳亥仲孫羯卒

冬十月滕子來會葬

癸酉我君襄公

莒弑十有一月莒人弑其君密州

莒犁比公既立子展興又立子去疾展興弑之